

Ammasumik ataatsimiinnermi oqaluuserisassat:

Imm. 1	Oqaluuserisassat akuersissutigineri	3
Imm. 2	Allaffeqarfimmit paasissutissiineq	3
Imm. 3.1	Maniitsumi Sisimiunilu Teknikkimut, Pilersuinermut Sanaartornermullu 2021-mi ukiup affaanut nalunaarussiaq.	4
Imm. 3.2	Kangerlussuarmi utoqqarnut inissiat, 2021-mi marluk, nuutsineq aallartitsinerlu	12
Imm. 6.1	Paasissutissiissut, sanaartorfissagissaanermut Nukissiorfiit siunissami peqataasarnissaat pillugu nalunaarut.	14
Imm. 8	Tamalaat.....	17

Ataatsimiinneq allartippoq nal. 14.00

Ataatsimiinneq naammassivoq nal. 15.45

Peqataasut:

Inuit Ataqtigiit

Nivi H. Efraimsen

Siumut

Gideon Lyberth

Aqqalu Skifte

Barnabas Larsen

Nalunaaruteqarlutik peqataanngitsut:

Nalunaaruteqaratik peqataanngiPeqtsut:

Karl Lyberth

Imm. 1 Oqaluuserisassat akuersissutigineri
Akuersissutigineqarput

Imm. 2 Allaffeqarfimmit paasissutissiineq

Sisimiuni allaffeqarfik:

Illoqarfimmi saligaatsuutitsinissamik sulineq aqqusinernillu asfalterineq ingerlapput. Aputaajaasarnermut entreprenørinik isumaqatigiissut ukioq manna naasoq nutarsarneqassaaq aammalu aputaajaasarnernik suliariumannittussarsiuussinissamik atortussanik suliaqartoqarpoq.

Sanaartugassatut suliasat tamarmik (takuuk imm. 3.1-mi sanaartugassatut pilersaarutmmik allattorsimaffik) ingerlapput. Ilaqutariinnik kiffartuussivimmik suliniummi ajornartorsiuteqartoqarpoq, sanaartornermi atortussat isugutammik ajoquserneqarsimmata. Aaqqiissutissanut misissuinerit aallartinneqarnikuupput.

Maniitsoq:

Nunaqarfimmi krani amigaataammaat Platou Fish kommunimut saaffiginnissuteqarnikuuvoq. Periarfissat suunersut kommunip misissorpai.

Steffen Johansen, aalisarnermut piniarnermullu ataatsimiititaliameersoq kalaalimineerniarfimmik ingerlatsinermik akisussaaneq aamalu akisussaaffeqarfik allamut nuunneqarsinnaanersoq pillugu apeqquteqaateqarpoq.

Imm. 3.1 Maniitsumi Sisimiunilu Teknikkimut, Pilersuinermit Sanaartornermullu 2021-mi ukiup affaanut nalunaarusiaq.

J.nr.: 06.01.02

ERP-mit paasissutissanit tigoqqaasartuusumiit Power_BI-mit kisitsit malillugit uani 2021-mut ukiup affaanut nalunaarusiaavoq.

Soorlu nalunaarutip siuliani taamak pisoqarnikuusoq, ERP systemi sulii iluatsivinngilaq, taamaattumik immikkoortut normuisa ilaannut missingersuutit allanneqanngillat. Taamaattorli missingersuut tamarmiusoq naatsorsorneqarnikuulluni. Nalunaarusiamik matuminnga suliaqarnerup ingerlanerani 2021-mi juunip 30-at tikillugu atuiiffilersuinernit atuinerupput.

Nalunaarusiamut tunngatillugu eqqaavilerinermit, nunaminertanik atugassiinernut akiligassiissutit assigiinngitsut, eqqakkanut, ungasiaanit kiassarnermut il.il. siumoortuupput, ukiumullu nalunaarusionermit atatillugu kisitsisit eqqortut ataatsimut isigalugu aatsaat pissarsiarineqassapput.

Teknikkeqarnermut ataatsimiititaliap septemberip qulingiliuaani 2021 ileqqusumik ataatsimiinnerata imaqarniliornera 06/2021

Teknikkeqarnermut ataatsimiititaliami atuiffinnut tamarmiusunut takussutissaq

Teknikkeqarnermut ataatsimiititaliami ataatsimoorussamik ingerlatsineq	Missingersuutit iluarsisat	Atuineq	Atuineq %-inngorlugu	Miss. sinneri
SIS Teknikkeqarneq Avatangiisillu Stab	6.929.974	4.047.378	58,40%	2.882.596
SIS Kalaalimineerniarfik - Qimatulivik		- 1.824.049		1.824.049
SIS Ikuallaavik	1.472.757	1.636.977	111,15%	- 164.220
SIS Qatserisartoqarfik	5.576.296	3.492.795	62,64%	2.083.501
SIS Nunaminertamik atugassiineq		4.415.431		- 4.415.431
SIS Sanaartornermut immikkoortoq	279.651.926	34.525.342	12,35%	245.126.584
SIS Eqqagassalerineq	- 754.705	1.440.211	-190,83%	- 2.194.916
SIS Ingerlatsineq Teknikkikkut	24.270.674	16.620.907	68,48%	7.649.767
MAN Teknikkeqarneq Avatangiisillu Stab	3.411.051	2.399.054	70,33%	1.011.998
MAN Kalaalimineerniarfik		- 525.750		525.750
MAN Sannavik		685.778		- 685.778
MAN Ikuallaavik	2.366.999	1.685.486	71,21%	681.513
MAN Qatserisartoqarfik	3.351.891	2.252.821	67,21%	1.099.070
MAN Nunaminertamik atugassiineq		- 1.938.000		1.938.000
MAN Sanaartornermut immikkoortoq	63.773.860	19.227.891	30,15%	44.545.969
MAN Eqqagassalerineq	422.686	1.230.949	291,22%	- 808.263
Ingerlatsineq Teknikkikkut	13.444.236	9.743.499	72,47%	3.700.737
Katillugit	403.917.645	99.116.716	24,54%	304.800.929

**Teknikkeqarnermut ataatsimiititaliap septemberip qulingiliuaani 2021 ileqquusumik ataatsimiinnerata
imaqarniliornera 06/2021**

Teknikkimut tunngasut: Sisimiut

Missingersuutit pingaarnertut naapertuupput, immikkoortortanili ataasiakkaani missingersuutit suli inissinneqanngillat.
Tamanna Sisimiunut Maniitsumullu atuuppoq.

Teknikkimut tunngasut: Sisimiut

SIS Ingerlatsineq Teknikkikkut	Missingersuutit		Atuinermut procenti	Miss. sinneri
	iluarsisat	Atuineq		
Qeqqata Kommunია ataatsimut		-		17.633
Sisimiut	19.038.619	14.309.335	75,16%	4.729.284
Itilleq	1.051.102	405.555	38,58%	645.547
Kangerlussuaq	2.977.078	992.886	33,35%	1.984.192
Sarfanguaq / Sarfanguit	1.203.875	930.764	77,31%	273.111
SIS TEKNIKKIKKUT Ingerlatsineq katillugit	24.270.674	16.620.907	68,48%	7.649.767

Ilanngussaq 1. Siunertaq malillugu atuinermik Takussutissiaq allattorluagaasoq

SIS Kalaalimineerniarfik - Qimatulivik

Kalaalimineerniarfimmu missingersuutit systemimut nutaamut suli ikkunneqanngillat. Missingersuutissatulli atuinissamullu eqqarsaatigineqartunut atatillugu, sippuilluni atuisoqarsimanissaanik imaluunniit atuinikipallaarnissaanik takussutissaqanngilaq. Taamaattorli 2021-mi ukiup affaata ingerlaneranut naapertuuttumik kalaalimineerniarfik pitsaasumik kaaviiartitaqarpoq.

SIS Entreprenøreqarfik

Sis Entreprenøreqarfik allaffeqarfimmiit ilisimasaqarfigingisatsinnik patsiseqartunik ukiumut 2021-mut missingersuutitut ilanngunneqanngilaq. Tamanna aningaasaqarnek tamakkiisumik takusinnaaqullugu piaartumik iluarsii vigisariaqarpoq.

SIS Ikuallaavik

Ikuallaavimmut atatillugu, eqqagassanut akiliutitigut ungaasiaaniillu kissamik tunisinermit 6.45 mio. koruunit missaanik isertitaqarnissaq naatsorsuutigineqarpoq. Ukiut siuliini misilittakkat atuinermi procentit annertuumik nikerarneri takutippaat. Nukissiorfinnut ungasiaanit kissamik tunisinissamut atatillugu ikuallaavimmit anguniagaq anguneqarsinnaanngitsoq naatsorsuutigineqarpoq - ukiuni kingullerni missingersuutit 75 %-it missaani inissisimanikuulluni.

Aningaasaqarnermut systemimi nutaami isertitat eqqortumik inissinneqarsimanersut ilisimaneqanngilaq. Tassunga ilassutigineqassaaq, ungasiaanit kissamik akigititat tunisinerillu ingerlaavartuummata, tamannalu eqitsimmi takuneqarsinnaavoq, akiligassiisutunik tunniussisarnermut tunngatillugu kinguaattooqqasugut.

SIS Nunaminertamik atugassiineq

Immikkoortortaq SIS Nunaminertamik atugassiineq siusinnerusukkut ingerlatsivimmi atuiffik 2-p iluani atuiffimmi inissisimanikuuvoq. Akiliutinit, containerinik attartornerit umiatsianillu inissii vinnit isertitat, immikkoortortap iluanut inissinneqartussat atuupput. Nunaminertamik atugassiinerit, containerinut inissii vinnit attartortitat kiisalu umiatsianut inissii vinnit attartornerit amerlassusaat atuinermut apeqqutaasarput.

SIS Eqqagassalerineq

Eqqaavilerineq namminersortunut suliariumannittussarsiorneqarnikuuvoq. Suliassamut akiliineq atuiffimmit tassannga pisarpoq kiisalu innuttaasunit suliffeqarfinniillu, kommunip imaartittarnermut aqqissuussaanut ilanngunneqarsimasunit isertitat ilanngullugit. 2019-imi decembarip 31-ani entreprenørinik eqqagassanik anartarfinnillu imaarsisarnermut nutaamik isumaqatigiissuteqartoqarpoq, missingersuutitigullu iluarsii sutedeqartoqareerluni. Missingersuutit eqqarsaatigalugit aningaasartuutit isertitallu akornanni oqimaaqatigiittoqassasoq naatsorsuutigineqarpoq. Eqqagassalerinerimut anartarfilerinermullu imaarsisarnermut ingerlatsisumut akiligassat anillatsinneqartartut akilerneqartarneri nikingasuupput, taamaattumillu atuinemik eqqunngitsumik takussutissiisarluni.

SIS Ingerlatsineq Teknikkikkut

562040200 SIS Entreprenøreqarfiup iluani allaaserineqartut innersuussutigalugit, immikkoortortat marluusut SIS Teknikkikkut Ingerlatsineq aamma SIS Entreprenøreqarfik arlalitsigut assingussuteqarput. Taakku siusinnerusukkut Winformatik-imi atuiffik 2 – TEKNIK iluani ataatsimoortinneqarnikuupput. 2021-imip ukiuata affaani ingammik aputaajaaneq atuuttuuvoq. Ukiut siuliinut sanilliullugu ukiup sisamararterutaani siullermi aappaanilu annertunerusumik apisimanera patsisaalluni, missingersuutaasunit aputaajaanermut aputinillu katersanik assartuinerimut aningaasartuutit annertunerupput. Ingerlatsinerimut aqutsisut naatsorsuutigaat, maannakkut missingersuutaasutigit ukiup sisamararterutaata sisamaani ukiuunerani aqqusinernik aserfallatsaaliinerit ingerlateqqinneqarneratigit sippuilluni atuisoqalissasoq. Tassunga ilanngunneqassaaq, aammaarluni ukiunut marlunnut atuuttussamik 2021-mi nutaamik tamanna nutaamik suliariumannittussarsiuunneqartussaammat.

Teknikkimut tunngasut: Maniitsoq

Maniitsoq Ingerlatsineq	Missingersuutit iluarsisat	Atuineq	Atuinnermut procenti	Miss. sinneri
MAN Kalaalimeerniarfik		- 525.750		525.750
MAN Sannavik		685.778		- 685.778
MAN Ikuallaavik	2.366.999	1.685.486	71,21%	681.513
MAN Qatserisartoqarfik	3.351.891	2.252.821	67,21%	1.099.070
MAN Nunaminertamik atugassiineq		- 1.938.000		1.938.000
MAN Eqqagassalerineq	422.686	1.230.949	291,22%	- 808.263
MAN Ingerlatsineq Teknikkikkut	13.444.236	9.743.499	72,47%	3.700.737
Katinneri	19.585.812	13.134.782	67,06%	6.451.030

MAN Kalaalimeerniarfik

Kalaalimeerniarfimmu missingersuutit systemimut nutaamut suli ikkunneqanngillat. Missingersuutissatulli atuinissamullu eqqarsaatigineqartunut atatillugu, sippuilluni atuisoqarsimanissaanik imaluunniit atuinikipallaarnissaanik takussutissaqanngilaq.

MAN Sannavik

MAN Entreprenøreqarfik allaffeqarfimmiit ilisimasaqarfiginngisatsinnik patsiseqartunik ukiumut 2021-mut missingersuutitut ilanngunneqanngilaq. Tamanna aningaasaqarneq tamakkiisumik takusinnaaqqullugu piaartumik iluarsii vigisariaqarpoq.

MAN Ikuallaavik

Kukkusumik atuiffilersuisoqarsimasinnaaneranik misissuisoqarnissaa natsorsuutigineqarsinnaavoq. Nunaqarfinnittaaq pingasuusuni eqqagassalerinermut tunngasut tassunga nalunaarsorneqartarput kiisalu biilnut atortussat kontonodemut tassunga atuiffilersorneqarsimasinnaapput. Uuliamut akigitat appasinneruneri ilaatigut pissutigalugit, ukiup siulianut sanilliullugu ukiup affaani siullermi ungasiaanik kissamik tunisineq appasinneruvoq.

MAN Nunaminertamik atugassiineq

Immikkoortortaq MAN Nunaminertamik atugassiineq siusinnerusukkut ingerlatsivimmi atuiffik 2-p iluani atuiffimmi inissisimanikuuvoq. Akiliutinit, containerinik attartornertit umiatsianillu inissivinnit isertitat, immikkoortortap iluanut inissinneqartussatut atuupput. Nunaminertanik atugassiinerit, containerinut inissivissanik attartortitat kiisalu umiatsianut inissivinnik attartornerit amerlassusaat atuinnermut apequtaasarput.

MAN Eqqagassalerineq

Eqqaavilerineq anartarfilerisarnertu namminersortunut suliariumannittussarsiorneqarnikuvoq. Suliassamut akiliineq atuiffimmit tassanga pisarpoq kiisalu innuttaasunit suliffeqarfinniillu, kommunip imaartittarnermut aqqissuussaanut ilanngunneqarsimasunit isertitat ilanngullugit. Eqqagassalerinermut innuttaasunit akiligassat nassiunneqartarnerisa kiisalu ingerlatsisunut imaarsisarnermut akiliutaasartut nikingasarneri patsisaallutik, atuinnermik eqqunngitsumik takussutissiisinnaavoq.

MAN Ingerlatsineq Teknikkikkut

Teknikkikkut immikkoortortanut assigiinngitsunut, matumani kommunimik ingerlatsinermut, allaffissornermi atortunut nioqutissanut aammalu nutarterinermut nukingernarsinnaasunut kukkusumik

nalunaarsuisoqarsimanermut misissuiffigineqarnissaanut naatsorsuutigineqartunut ilanngullugu, atuiffik nalunaarsuiffittut atorneqarpoq. Tassani suliasat assigiinngitsorpassuit nalunaarsoqqapput aammalu ilaatigooriarluni kantiina tassani tekkikkikkut ingerlatsinermut atuiffimmiittarluni. Aputaajaaneq qaammatini pingasukkaarinerni siullermi annertuumik aningaasartuuteqarfiunikuunngilaq. Atuiffinnut allattuivimmumut aamma kommunip sannaviinut- teknikkumut atortuusivinnik nakkutilliineq (boilerum) aamma kloakpumpehuse) sullissinissamut isumaqatigiissutit nalunaarsoqqapput. Ingerlatsinermut aqutsisut naatsorsuutigaat, maannakkut missingersuutaasutigut ukiup sisamararterutaata sisamaani ukiuunerani aqqusinernik aserfallatsaaliinerit ingerlateqqinneqarneratigut sippuilluni atuisoqalissasoq.

Sanaartornermut tunngasut: Sisimiut aamma Maniitsoq

Sanaartornermut immikkoortoq	Missingersuutit		Atuinnermut procenti	Miss. sinneri
	iluarsisat	Atuineq		
Qeqqata Kommunian ataatsimut	47.106.594	1.650.000	3,50%	45.456.594
SIS Sanaartornermut immikkoortoq	232.545.332	32.875.342	14,14%	199.669.990
MAN Sanaartornermut immikkoortoq	63.773.860	19.227.891	30,15%	44.545.969
Katinneri	343.425.786	53.753.233	15,65%	289.672.553

Sanaartornermut tunngasuni tamani 2020-miit sanaartornermut aningaasaliissutit atuinngitsuukkat nuunneqartut 240,5 mio. koruunit ilanngulugit tamakkiisumik missingersuutaasuniit 343,5 mio.koruuniniit 2021-mi juulip aallaqqaataani atuineq 16 procentiuvoq.

Sisimiut:

Sanaartornermut tunngasuni atuinerup appasinneranut ilaatigut pissutaapput, ukiup affaanut natsorsukkat qaammatinik marlunnik pisoqaassuseqarmata aammalu ilaatigut sulisunut coronamik killersuisoqarnera pissutigalugu sanaartugassatut suliat arlallit arriitsumik ingerlammata. Sanaartugassatut suliat annertunerusunut killiffik 2021-mi aggustip naalernerani ataani paasissutissiissutigineqarput:

- Ukioq manna illuutinik iluarsartuussinerit suliariumannittussarsiuunneqareerlutillu aallartisarneqarput.
- Kangerlussuarmi illu tamatigoortoq naammassereerpoq atorneqarnissaannullu tunniunneqareerluni.
- Kangerlussuarmi utoqqarnut inissianut toqqavissanut atortussat inniminneerneqarput aammalu illut sinnerinut suliariumannittussarsiuussinissamik suliniutit siunnersortimi ingerlapput.
- Nikkorsuarni utoqqarnut inissat aqqaneq marluk matuneqareerput iluatungaaniilu sanaartornerit ingerlanneqarlutik.
- Akiani meeqqerivik 4 matuneqareerpoq, pilersuineri aqputit suliarineqarput illullu iluani sanaartornerit ingerlanneqarput.
- Sarfannguanu illu tamatigoortoq, toqqavik betorngiusoq siulleq kuineqareerpoq. Sarfannguanut sulisussanik assartuussinissamut coronamik killilersuineq pissutigalugu suliaq annertuumik kinguaattoorfiuvoq.

- Kulturikkut illorsuaq nipilersornermut ilinniarfilerlugu atuakkanillu atorniartarfilerlugu allilerneqarnera kangiatungaa qaartiteriffigineqarpoq aammalu elevatorip eqqaani toqqavissaq kuineqaleruttoq.
- B8.2-mik sanaartorfissagissaaneq iliveqarfiullu nutaap eqqaani biilnut inissiisarfik asfalterneqareerpoq qanittukkullu atorineqarsinnaalissalluni.
- Akiani KPT 19 C15-A26 sanaartorfissagissarneqarnerani ruujorit aqputissaasa assanneqarnissaanut qaartiterisoqareerpoq, kuuffissuarnut aqput tamangajammi inissinneqarnikuuvoq, imermullu aqputissaq aallartinneqarpoq.
- Akiani KPT 39 A30 sanaartorfissagissarneqarnissaanut entreprenørinik isumaqatigiissusiortoqarnikuuvoq. Sulisunik amigaateqarneq pissutaalluni suliarineqarnera kinguaattoorfiuvoq.
- 2020-mi Aqissilimmi kiisalu Chr. 28 Aqquuserngani nutaamik kuuffissualersuinerit naammassereerput. 2020-mi aamma 2021-mi Saalimiip Aqq./Siimuup Aqq., Mukkup Aqq., Guutaap Aqq., Karl Sivertsenip Aqq., aamma Nasiffimmut aqquuserngani nutaamik kuuffissualersuinerit aallartisareerput. Jaakunnguup Aqq., aamma Kunuuteralap Aqq.-ni kuuffissuarnik tallilinissamut pilersaarussiaq siunnersuisartumit naammassineqalerpoq.
- Minihalimi ilassutitut nalutarfimmu siunnersuutitut atugasaq siunnesortinut suliariumannittussarsiuunneqareernerata kingorna illusnanik titartaasartuni suliarineqalerpoq, taamaattorli coronamik killilersuisoqarnera pissutigalugu Sisimiuni sanaartorfissanik illusnanik titartaasartup alakkartersinnaanngimmagu kinguaattoorfiuvoq.
- ATV_nut aqput ukioq kingulleq entreprenørusumit Kangerlussuarmit kangerluarsuk tulluip tungaanut suliarineqarpoq, siunnersortinik suliariumannittussarsiuussinerup kingorna nakkutilliineq suliffeqarfimmit allamit ingerlanneqalerpoq. Maskinat assaassutit 17.8 Kangerlussuarmit ilisarnaammut 80km angussimapput.

Maniitsoq:

- Ungusivik: immikkooq 1 aqqusineq pingarneq A aamalu aqqusineeraq B asfalterneqareerput. Aqqusineeraq C asfalterneqarnissaa amigaataavoq.
- Annertusoq-Tunoqqusaq ikaartarfik: Suliaq ingerlavoq, affaa naammassereerpoq, suliaq septembarip qiteqqunnerani naammassissasoq naatsorsuutigineqarpoq.
- Sarfaanut majuartaammut aqputip titartarneqarnera suliarineqarpoq, pilersaarummullu tunngavissaq utaqqineqarpoq.
- Maniitsumi ilaqtuariinnut inerisaavik, illu matuneqareerpoq saqqassaatalu iikkersuutai ikkussunneqareerput, illup iluani sanaartornerit ingerlanneqarput.
- Sulisunut inissianut aqqaneq-marlunnut entreprenøri tamakkiisumik toqqavilioreerpoq aammalu atortussanik ikkussuineq ingerlavoq.
- Atuarfik Kilaaseeraq nutarterineq: Sanaartornermut pilersaarummik suliaqartoqarnissaanut sanaatortitsisisup ataatsimiititaliaanik pilersitsinissaa utaqqineqarpoq.
- Kangaamiuni atuarfimmik nutarterineq. Sanaartornissamut pilersaarummut siunnersuut 1 suliarineqareerpoq aammalu Kangaamiuniit oqaaseqaatit pingaarnersuinerillu utaqqineqarput.
- Kangaamini iliveqarfimmut aqqusineq, isumaqatigiissut entreprenørimit atsiorneqareerpoq.
- Atammimmi Inuusuttunut inissianut illup suussusissaanik TA aalajangiussaqaqareernerata kingorna illup suussusissaanik suliniut siunnersortimi tulluarsarneqarpoq.
- Ivissuarni kuuffissuit nutaat. Suliaq ingerlavoq. Illut arlallit ingerlavimmut pingaarnermut attavilersinnissamut ruujorilerisunit neqeroorfigineqarnikuupput.

- Napasumi iliveqarfik. Sioqqanut sinaanut atortussat iliveqarfik kaajallallugu ujaqqat 40x60 cm angissusiillit Nuummiit assartoneqarnissaat amigaataaavoq. Napasumi Kommunip suliasaataanut sulisussat amigaataapput.
- Atammimmi aqqusinernik pitsanngorsaaneq ukioq manna aallartinneqanngilaq. Ukiup siuliini aqquserngit ilaanik narlorsaasoqarpugut, qaqqamilli qaartiterisussamik siorna ujaqkerisussaqaarsimanngilaq. Immiinissamut atortussat inniminneerqareerput septembarillu qiteqqunnerani tunniunneqassapput.
- Maniitsumi iliveqarfimmi assaalluni sulineq aallartinneqareerpoq.
- Kommunip illuutaanik nutarterineq atuiffinnut allattuiffimmi suliniutinik arlalinnik ingerlataqarpugut, atuiffimmilu tassani tuaviortut ingerlanneqarnerusarput.

Teknikkeqarnermut Avatangiisinullu immikkoortortamit Teknikkeqarnermut ataatsimiititaliamut innersuussutigineqarpoq:

Teknikkeqarnermut, Pilersuinermit Sanaartornermullu 2021-mi ukiup affaanut naatsorsuutit akuersissutigineqassaut.

Aalajangiineq

Akuersissutigineqarput

Imm. 3.2 Kangerlussuarmi utoqqarnut inissiat, 2021-mi marluk, nuutsineq aallartitsinerlu
Journalnr. 06.03.01, Suliniut 500005-003.

Tunuliaqutaq

2019-imi decembarip 17-ani AA aalajangiinera naapertorlugu Kangerlussuarmi utoqqarnut inissianut kommuni 2021-mi missingersuutini suliniutip 500005-003 ataani 2.698.750 koruuninik immikkoortitsinikuvoq. 2020-mi missingersuutiniit ERP-mi suliniut 500005 ”Utoqqarnut inissiat - ataatsimut” aningaasat amerlaqataat nuutsinneqarput.

2019-imi decembarip 17-ani AA aalajangiivoq, 2012-imi Maniitsumi utoqqarnut inissiat 16-it sanaatorneqartut suussusaat assigalugit Kangerlussuarmi utoqqarnut inissiat ataatsimik initaqassasut. 2020-mi maajip 28-ani ataatsimiinnermi ilanngussaq 2 naapertorlugu illut suussusissaat inissisimaffissallu Kangerlussuarmi nunaqarfinni aqutsisut akuersissutigivaat.

Maleruagassatigut tunngavigisaq:

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

Pissutsit atuuttut

2020-mi marsip 13-ani Ini paasissutissiivoq, Kangerlussuarmi ilaqutariit 40-t inissamik utaqqisuusut, taakkunanga 12-it ataatsimik initalinnik.

Namminersorlutik Oqartussat mittarfissuarnik angisuunik marlunnik sanaartornermik aallartitsinikummata sanaartortut maannakkut ulapputorujussuummata, maannakkut nunaqarfinni sanaartornermut akit m2-mut 36.000 - 40.000 koruuninik annertussuseqarput.

Kommunip pilersaarusiorfigineqarnerani tapiliussami 26-mi inissiat 20-t kujataanni utoqqarnut inissianut sanaartornissamat inissiffissatut siunnersuutaasumi inissianut siunertalinnut sanaartorfissanik marlunnik immikkoortitsisoqarnikuvoq, taakkunanga sanaartorfissaq ataaseq illutut arfarleriittut utoqqanut inissiasatut atugassiaalluni.

Atuilluartuunissakkut kingunerisinnaasai

Nunaqarfinnut inissarsiortunut kommunip illuliortitsinera atuilluartuuneruvoq, namminneq illuliornissamat kreditforening aqutugalugu taarsigassarsinnaangimmata.

Aningaasaqarnikkut allaffissornikkullu kingunerisinnaasai

Ini malillugu ineqarnermut akiliutissaq kiassarneq imerlu minillugit qaammammut 5.080 koruunit missaaniinnissaa naatsorsuutaavoq. Najugaqartut ineqarnermut tapiissutinik qinnuteqarsinnaassapput.

Kommunimut iluanaarut ukiumut 9.960 koruunit missaanni annertussuseqassaaq.

Innaallagissamat, imermut ungasiaanillu pilersorneqarnermut attavilersinnissamat Mittarfeqarfiit akuersissuteqarnikuupput.

Ukioq 2008 sioqqullugu inissianik 20+8 sanaartornermut atatillugu kuuffissuarnut ungasiaanillu kiassarnermut aqutunik kommuni pilersitsinikummat, sanaatorfissamat sanaatorfissagissaanermit akileqataassuteqassanngilaq.

Kommunip pingaarnertut kuuffissuataa sanaatorfissami katiffikkut pioreersukkut attavilerfissaqareerpoq.

Takuuk ilanngussaq 5 missiliuut B, utoqqarnut inissianik ataatsinik initalinnik marluusunik AA sanaatorneqartussatut kissaatigisai 4,681 mio. koruuninik akeqassanganneqarput. Taamaalilluni suliniummi 500005-003 ”Kangerlussuarmi utoqqarnut inissiat”-ni 2 mio. koruunit amigaataapput, ilanngussaq 1-imi kontonodeni allassimasumi Suliniut 500005 ”Utoqqarnut inissiat – Ataatsimut” nuutsinneqarsinnaasut.

Allaffeqarfiup naliliinera

Maniitsumi ukiuni arfineq-pingasuni najugaqarfigineqarnikusuni utoqqarnut inissiani ataatsimik initalinnut illup suussusaanut ajortunik misilittagaqartoqanngilaq. Illup suussusaa Kangerlussuarmi sumiiffissatut siunnersuutaasumi taamaallaat atoqqinneqarsinnaavoq, illup suussusaa imermut, kuuffissuarmut ungasiaaniillu kiassarnermut attavilersinnaasussaagami.

Illup suussusaanut tulluarsaalluni suliniut suliarineqareerpoq ukioq mannaluna sanaatorsinnaanermut akuersissumik qinnuteqartoqassaaq, 2022-mi januaarip aallaqqaataani sanaartornermut malittarisassat nutaat illut suussusaannik suliniutini nalimmassaanissamik akitsorsaataassagunartumillu piumasaqartussaasoq atuutilersinngineqarnerani.

Pilersuinermit aqqutit inissiat suli marluk, sanaatorfissap eqqaaniittunut immikkoortup tullissaani sanaartorneqarsinnaasut pilersornissaanut tallineqarsinnaapput.

Ukiaq manna neqeroortitsinikkut 2022-mi Kangerlussuarmut umiarsuarmut siullermut atortussat inninminneerineqarsinnaapput angallanneqarlutillu, taamaalilluni illut ukiup 2023-p aallartinnerani iserterfigineqarnissamut piareersinnaallutik.

Teknikkimut Avatangiisinullu ingerlatsiviup innersuussutaa

Teknikkimut avatangiisinullu immikkootortap Teknikkeqarnermut ataatsimiititaliamut Aningaasaqarnermullu ataatsimiititaliamut innersuussutigivaa:

Aningaasaqarnermut kingunissat ataani allassimasutut ERP-mi Suliniummi 500005 "ataatsimut"-mit "Kangerlussuaq"-mut 2 mio. koruunit nuutsinneqassasut.

60 m²-mik angissusilinnik inissianik ataatsimik inisalinnik illunik affarleriinnik marlunnik utoqqarnut inissiatut suliniut pingaarnertut suliassatut suliariumannittussarsiuunneqassasoq, aammalu missingersuutini sinnaakkutini missiliuut B iluani sanaartornermut aningaasartuutit malitsinneqarsinnaappata, sanaartornissamut entreprenørinik akikinnerpaamik neqerooruteqartumik isumaqatigiissusiortoqassasoq.

Aalajangiineq:

Akuersissutigineqarpoq.

“Kangerlussuarmi utoqqarnut inissiat” Kangerlussuarmi inissiat -nut taaguutaa ataatsimiititaliami ilaasortat allanngortinneqarnissaa kissaatigivaat.

Ilanngussat:

Ilanngussaq 1: ERP-mi suliniut 500005 aningaasanik nuutsinermi XL-tabeli.

Ilanngussaq 2: Inissisimaffia, titartagaq A00.00.

Ilanngussaq 3: Utoqqarnut inissiaq affarleriit ataatsimik initalik 60m², pilersaarutitut titartagaq A00.01.

Ilanngussaq 4: Utoqqarnut inissiaq affarleriit ataatsimik initalik 60m², saqqassai illullu isua titartagaq A00.0.5

Bilag 5: MIssiliuut B 17.8.2021-meersoq.

**Imm. 6.1 Paasissutissiissut, sanaartorfissagissaanermut Nukissiorfiit siunissami
peqataasarnissaat pillugu nalunaarut.**

Journalnr. 18.01.06 ERP-mik suliniut 500068.

Tunuliaqutaq

2021-mi juunip 30-ani Nukissiorfiit kommuninut tamanut allakkamik nassiussippot, allakkami kommunip siunissami sanaartorfissagissaasarnernanut aningaasaqarnikkut peqataasarunnaarnissaminnik nalunaaruteqarput, takuuk ilanngussa 1.

2021-mi juunip 24-ani kommunip sanaartornissamut kissaatit borgmesterip alajangiineratigut, Namminersorlutik Oqartussat 2022-mit aningaasatigut inatsisissaanut, matumani sanaartorfissagissaanerit ilanngullugit, Namminersorlutik Oqartussanut nassiunneqarput.

Maleruagassatigut tunngavigisaq:

Sanaartorfissagissaaneq kommunip suliasaraa. Innaallagissamut, imermut ungasianiillu kiassarnermut attavinnik kiisalu attavilersuinerit katiffiinut ingerlatsinermut, maannamut pingaarnertut attaviliinermut Nukissiorfiit akileeqataasarnikuugaluarput, taakkuninngalu kingusinnerusuklut ingerlatitsinermik tiguisarlutik.

Tele-mut attavilersuutininut tunngasunut sanaartorfissagissaanermut akileeqataasarnissamut, Tele-mut suli isumaqatigiissuteqartarnissaq naatsorsuutigineqarpoq.

Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq

Pilersaarusiorneq aamma nunaminertat atorneqartarnerat pillugit Inatsisartut inatsisaata nr. 17-p 17. november 2010-meersoq, 2015-imi decembarip qulingiliuaani Inatsisartut inatsisaatigut allanngortinneqartuklut.

Pissutsit atuuttut

Siusinnerusuklut Nukissiorfiit aningaasaleeqataasarnerat ukiumiit ukiumut nikerartarpoq, sanaartorfissagissaanerit apeqqutaasarmata. Ukiuni kingullerni agguaqatigiisillugu, Maniitsumut Sisimiunullu ataatsimut ukiumut 3 mio, koruunit missaaniissimavoq.

Tusagassiutitigut saqqummiunneqarsimasutut, Nukissiorfiit aningaasartuutiminut naapertuuttunngorlugu atuinnermut akit qaffaaviginissaanut periarfissaqannginnermini, suliffeqarfik aningaasaqarnikkut annertuumik unammillernartoqartitsivoq. Nukissiorfiit atuisunut akit Naalackersuisoqarfimmit iluarsivigineqartarput. Nukissiorfiit nittartagaatigut ukiumut naatsorsuutit tamanit takuneqarsinnaasut atuarneqarsinnaapput. Ukiumut naatsorsuutini takuneqarsinnaavoq, pisariaqartinneqartuniit sanaartorfissagissaanermut kommuni annertunerusumik amerlanerusunik kissaateqarsimasoq. Tamatuma saniatigut Nukissiorfiit nukissiuutinut mingutitsinngitsumut aningaasaliissuteqartariaqarnermigut, sanaartorfissagissaanermut suliniutinut aningaasaliissutinik annikillisissimagai. Sanaartorfissagissaanermik nukissiuutinut mingutitsinngitsunut aningaasaliineq imminut akilersinnaanerusoq, suliffeqarfimmit oqaatigineqarpoq.

Atuilluartuunissakkut kingunerisinnaasai

Kommunip nammineq aningaasaqarnikkut atuisinnaassusaanut tunngatillugu, sanaartorfissagissaanermut aningaasartuutit annikillisinniarlugit, siunissami illoqarfimmik pilersaarusiortarnini ingerlatalernissaa naapertuuppoq, ima paasillugu illoqarfimmik annertunerusumik eqititerinikkut.

Aningaasaqarnikkut allaffissornikkullu kingunerisinnaasai

Nukissiorfiit siunissami sanaartorfissagissaanernut aningaasaleeqataaniangippat, siullertut sanaartorfissagissaanerit imermut innaallagissamullu attaviliinissamut katiffinnik ilanngussinani kommunimit ingerlanneqarsinnaavoq. Attaviliinissamut katiffiit sillimaniarnermuinnaq atorneqartarput, tassa iluarsartuussinermi unittoorerit ikinneruniassammata, taamaattumillu Nukissiorfiit namminneq aningaasassaqartilernissaannut kinguartinneqarsinnaallutik.

Kommunip nammineq sanaartorfissagissaatitsinerminut ilanngaatisat ilanngaatigereerlugit aningaasartuutissai sumiiffimmi sanaartorfissanut tamakkiisumik ilaannakortumilluunniit agguataarneqarsinnaapput. Atuisut tamakkiisumik akiliuteqartittarlugit Qeqqata Kommuniani maannamut ingerlariaasiusimavoq, Nukissiorfiillu aningaasaqarnikkut tapiisarunnaartussanngormata annertunerulertussaassalluni.

Allaffeqarfiup naliliinera

Kommuni maannamut sanaartorfissagissaanissamut pilersaarummik, maannakkut aningaasaliissutaasut iluini ingerlatitsiinnarsinnaasoq nalilerneqarpoq, attaviliinissamut katiffiit ilanngunnagit, aammalu sanaartorfissanut ataasiakkaanut sanaartorfissagissaanermut akiliuteqartitsinikkut.

Illoqarfimmik eqiterutitsinermik suliaqarnermi, kommunip pilersaaruserfigineqarnerani suliniuteqqaajusunik/misissuineq ukkatarineqassaaq. Sanaartorfissagissaanermut suliniutinut nutaanut appakaaffissat takivallaartinneqannginnerisigut, sanaartorfissagissaanermut aningaasartuutininik sipaartoqarsinnaavoq.

Sanaartorfissagissaanermut nunaminertanut pingaarnertut aqqusinernik imaluunniit suliiiffinni aqqusinernik takinerusunik pilersitsinikkut, kommunip nalinginnaasumik sanaartorneranut sanilliullugit annertunerusunik aningaasartuuteqarfiusarpoq, tamannalu appakaaffissatut aqqusinernik takisuunik, qaartiterinissamut immiinissamullu pisariaqartitsisunik, illoqarfimmik eqiterititsinikkut killilersimaartinneqarsinnaavoq.

Aningaasaqarnermut ataatsimiititaliap ataatsimiinnissaanut, kommunip pilersaaruserfigineqarneranut tapiliussassanut tallimanut nutaanut suliarineqartussanut, misissuinissamut/pilersaaruserioqqaarnissamut, Teknikkeqarnermut ataatsimiititaliaq innersuussivoq. Tassani pingaarnertut aqqusinniormut, suliniuteqarfimmut attuumassuteqartut ilangullugit, aqqusineeqqanik kommunimit akilerneqartunik sanaartunnginnermik, illoqarfimmik eqitserititsisinnaanermut periarfissat aammalu aningaasaqarnikkut kingunerisinnaasat isiginiarneqarput.

Innersuussut

Teknikkeqarnermut ataatsimiititaliamut kingornalu Aningaasaqarnermut ataatsimiititaliamut innersuussutigineqarpoq:

- ilisimatitsissut tusaatissatut **tiguneqassasoq**

Aalajangiineq

Paasissutissiissut tusaatissatut tiguneqarpoq

Ilanngussat

1. Sanaartorfissagissaaneq pillugu Nukissiorfiit kommuninut allagaqaataa ulloqartoq 30.6.2021.

Imm. 8 Tamalaat

2021 aasaanerani Maniitsumi majuartaat nutaaq ikkussuunneqarnissaa pillugu Gideon Lyberth apeqquteqaateqarpoq.

Majuartaatip ikkussuunneqarnissaanut siusinnerusukkut aningaasaliissutaanikuusut naammangitsut aammalu majuartaat ikkussuutinnginnerani aqqusineramik sulinermi aqquserniortoqaqqaassasoq allaffeqarfimmit akineqarpoq. Siusinnerusukkut majuartaat Sarfanut imaatigut angallanneqarniarnikuuvoq, majuartaat nunamut assartorneqarsinnaasimanani.

Majuartaat pillugu Teknikkeqarnermut ataatsimiititaliap siusinnerusukkut imaqarniliai ilaasortanut nassiuunneqassapput, aammalu pisariaqassappat majuartaat pillugu suliamik saqqummiussassaliortoqarsinnaavoq. Allaffeqarfiup oqaasiinnartigut akissuteqaataa Sarfanut attuumasutilimik ataatsimiititaliap missingersuutinut kissaataanut kisimi innersuussisuuvoq, missingersuutit pillugit isumasioqatigiinnermi ingerlanneqaqqammersumi ingerlaqqinngitsoormat.

Ataatsimiinnerup kingorna ”Maniitsumi qaartiterutissaasivimmiit Sarfat tungaanut aqquserngiap tallineqarnissaanik siunnersuut” pillugu 2021-mi juulip 28-ani Teknikkeqarnermut ataatsimiititaliap ataatsimiinneranit imaqarniliaq Tai-mit nassiuuteqqinneqarpoq. Tassani ilaatigut taamanikkut innersuussutaasoq malillugu aalajangiisoqarnikuuvoq, Sarfat tungaanut aqqusineq aatsaat suliarineqareerpat majuartaat suliarineqassasoq. Aammattaaq takuuk una imaqarniliaq, politikikkut aalajangiussat suli ERP-mik systemimi nalunaarsorneqarsimanngitsut paasineqarpoq. Aammattaaq paasineqarpoq, missingersuutit pillugit isumasioqatigiinnermut atatillugu Sarfat tungaanut aqqusineq peerneqarismasoq, aammalu 2021-mi juulip 28-aneersoq imaqarniliaq suli atuutsinneqartoq.

Imaqarniliaq qulaani taaneqartoq malillugu Sarfat tungaanut aqqusineq suliarineqareerpat majuartaat suliarineqassaaq. Ataatsimiititaliap missingersuutinut kissaataanit imaqarniliami taaneqartumi allassimasutut, majuartaammut aningaasat naammassimanngillat. Taamaattumik Sarfat tungaanut aqqusineq sulinermi atugassaq suliarineqareerpat, ilassutitut aningaasaliissutinik qinnuteqartoqarsinnaasoq naatsorsuutigineqarsinnaavoq. Taamanikkorinnissaanut suliniummi entreprenørit neqerooruteqarsinnaanerit ajornannginnerussaaq, tassani biilnik atortunillu allanik atuilluni sisorartarfimmut apuuttoqarsinnaassalluni.

Kangaamiuni vejformandeip apujtaajaatai Sisimiuni suliarineqartut pillugu Barnabas Larsen apeqquteqarpoq. Apeqquteqaat pillugu Maniitsumi allaffeqarfik akissuteqaammik nassiuussisaaq.